

P. Müller-Egger **s'Dorf erwachet**

**a, f** (-Dur) ( 2 st. Jodel)

T. B.

**Wänn d'Sunne hät der Cherum  
gmacht** und heizue chunt vom  
Wandere, verlöscht au langsam i  
der Nacht eis Stärnli nach em  
andre. Kristallklar glänzt de Morge-  
tau im Widerschy vom Ätherblau  
Kristallklar glänzt de Morgetau im  
Widerschy vom Ätherblau.

**De Bärgwald steht na finster da**  
im Dämmer na verborge, doch  
drüberie und hinedra strahlt fürig rot  
de Morge. Im Dörfli styged, wie  
zum Gruess, scho Räuchli us de  
Chämi us. Im Dörfli styged, wie  
zum Gruess, scho Räuchli us de  
Chämi us.

**Hell tönt en Dängelhammer-  
schlag** dur's Dorf i alli Gade, und  
bald gaht uf em junge Tag de  
letschi Feisterlade uf. I Huus und  
Schür i Fäld und Ried singt s'Tag-  
wärch jetzt sis Morgelied I Huus  
und Schür i Fäld und Ried singt  
s'Tagwärch jetzt sis Morgelied.